



Na osnovu člana 56. Zakona o hrani („Službeni glasnik BiH“, broj 50/04), člana 87 stav (3) Zakona o javnim nabavkama („Službeni glasnik BiH“, broj 39/14), člana 5. stav (2) tačka b) Pravilnika o postupku direktnog sporazuma („Službeni glasnik BiH“, broj 90/14), člana 8. Pravilnika o postupku direktnog sporazuma Agencije za sigurnost hrane Bosne i Hercegovine (broj: 01-02-3-487-1/20 od 30.04.2020. godine), direktor Agencije za sigurnost hrane Bosne i Hercegovine, d o n o s i

## **O D L U K U**

### **o prihvatanju prijedloga cijene po direktnom sporazumu za nabavku kompjuterskog materijala (slušalice sa mikrofonom i web kamera) dobavljača Univerzalno Premium d.o.o. Brčko, Poslovnica Mostar**

#### **I**

Ovom Odlukom prihvata se prijedlog cijene dobavljača Univerzalno Premium d.o.o. Brčko Poslovnica Mostar, Braće Fejića 58. 88000 Mostar, u nabavci usluga po direktnom sporazumu pod nazivom: „Nabavka kompjuterskog materijala“ (slušalice sa mikrofonom i web kamera), sa ukupnom cijenom od 699,43KM bez PDV-a.

#### **II**

Sve navedene robe u specifikaciji dobavljač će dostaviti jednokratno najkasnije u roku od pet dana od dana prijema ove Odluke, a shodno ponuđenim jediničnim cijenama za navedenu robu koja je sadržana u prijedlogu cijene.

Ukoliko isporučena roba ne bude odgovarala datoj specifikaciji ista se neće prihvatiti, već će izvršiti povrat neodgovarajuće robe o trošku dobavljača i tražiće dostavljanje robe u skladu sa specifikacijom.

Predmetnu robu ispred Ugovornog organa prima zadužena osoba.

Prilikom isporuke materijala dobavljač dostavlja otpremnicu/račun koja sadrži opis isporučenog materijala i koja se potpisuje od predstavnika Dobavljača i od predstavnika Ugovornog organa.

#### **III**

Po realizaciji predmetne isporuke, dobavljač će dostaviti fakturu/račun Agenciji za sigurnost hrane Bosne i Hercegovine, a Agencija će izvršiti plaćanje iste u roku od 15 dana od dana ispostavljanja fakture/računa.

#### **IV**

Izveštaj o provedenom postupku javne nabavke objavit će u informacionom sistemu „E-nabavke“ na način i u skladu sa Uputstvom o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“, br. 90/14 i 53/15).

## V

Ova Odluka stupa na snagu danom donošenja.

### Образложење

Postupak nabavke proveden je putem direktnog sporazuma. Shodno Odluci o pokretanju nabavke procjenjena vrijednost nabavke je 700,00 KM bez PDV-a.

Postupak nabavke je pod šifrom JRJN30200000-1 Kompjuterska oprema i potrepštine.

Istraživanjem tržišta upućen je zahtjev za prijedlog cijene sa specifikacijom potrebnih količina na adrese privrednih subjekta/dobavljača: Univerzalno Premium d.o.o. Brčko, Poslovnica Mostar; Genelec d.o.o. Tuzla, Poslovnica Mostar i IMTEC d.o.o. Sarajevo.

U Agenciju je u određenom roku od pet dana zaprimljen popunjen obrazac sa prijedlogom cijene (specifikacija) kompjuterskog materijala (slušalice sa mikrofonom i web kamera) od dobavljača: Univerzalno Premium d.o.o. Brčko Poslovnica Mostar, u iznosu od 755,65 bez PDV-a, u koju je uključen popust od 15 % (133,35 KM); Genelec d.o.o. Tuzla, Poslovnica Mostar u iznosu od 811,60 KM bez PDV-a i IMTEC d.o.o. Sarajevo-Poslovna jedinica broj 3. Ilijaš, predračun broj: 09412/20-9 sa ukupnom cijenom od 1.370,39 KM u koji je uključen popust od 12%.

Izvršena je analiza prijedloga cijene u vezi sa ispunjenjem zahtjeva u pogledu opisa predmetne nabavke i pregledu obrasca za prijedlog cijene.

U skladu sa članom 5. stav (2) tačka a) Pravilnika o postupku direktnog sporazuma („Službeni glasnik BiH“, broj 90/14) a iz razloga što su dostavljene cijene bile iznad procijenjenog iznosa nabavke, dostavljen je zahtjev putem e-maila dobavljačima za pregovaranje o cijeni tj. navedeno je da isti smanje svoju cijenu te da ukoliko pristaju na navedno dostave novi Obrazac cijene. Takođe je naznačeno da ukoliko do 20.10.2020. godine ne odgovore na navedeni zahtjev smatraće se da ne pristaju na smanjenje cijene.

Od dobavljača Genelec d.o.o. zaprimljen je odgovor da nisu u mogućnosti smanjiti cijenu jer je navedena roba (slušalice sa mikrofonom i web kamera) deficitna roba te da cijene istih konstatno rastu.

Od dobavljača Univerzalno Premium d.o.o. Brčko Poslovnica Mostar dostavljen je novi Obrazac cijene u ukupnom iznosu od 699,43 KM bez PDV-a (u koju je uključen popust od 21,3% tj 189,57 KM bez PDV-a).

Po zaprimanju novog prijedloga cijene izvršen je računski pregled popunjenog obrasca i nije bilo razloga za ispravku računске greške. Dostavljena cijena je u okviru procijenjene vrijednosti nabavke.

U skladu sa kriterijem najniža cijena, od zadužene osobe predloženo je prihvatanje cijene Univerzalno d.o.o. Premium Brčko Poslovnica Mostar, U skladu sa članom 87 stav (3) Zakona o javnim nabavkama („Službeni glasnik BiH“, broj 39/14), odredbama Pravilnika o postupku direktnog sporazuma („Službeni glasnik BiH“, broj 90/14) i Pravilnika o postupku



direktnog sporazuma Agencije za sigurnost hrane Bosne i Hercegovine (broj: 01-02-3-487-1/20 od 30.04.2020. godine) a shodno naprijed navedenom, donošenjem ove Odluke prihvaćen je prijedlog zaduženih osoba za pripremu i provođenje postupka direktnog sporazuma.

**Pouka o pravnom lijeku:** U postupku direktnog sporazuma nije dozvoljena žalba.

**DIREKTOR**

Dr.sci. Džemil Hajrić, s.r.

*Dostaviti:*

- *web stranica,*
- *univerzalnmostar@gmail.com*
- *asmir.salihovic@imte.ba*
- *mostar@genelec.ba*
- *Sektor za pravne i finansijske poslove,*
- *a/a.*

